

雜志

志以紀事比類屬辭曷言乎雜雜之云者類無可附辭不可刪絜怪亦錄叢談與存或得之簡編或傳之父老存而不論是亦志之職也矧其中亦有典核足叅者易曰雜物撰德辨是與非從其雜也而雜志之云爾

高平范氏帝堯裔孫劉氏累之後伊祁姓自虞以上爲陶唐氏夏爲御龍氏商爲豕韋氏周爲唐杜氏周衰奔晉爲范氏 按通志有姓氏一則高平祇一姓無可附入用載雜志之首

高平縣志

卷之十七

雜志

夾滌鄭漁仲云天之所覆者廣而華夏之所占者牛女下十二國耳牛女在東南故釋氏以華夏爲南瞻部州其二十八宿所管者多十二國之分野隨其所隸耳趙韓王嘗有疏云五星二十八宿在中國而不在四夷斯言至矣 癸辛雜志

漢書地理志分郡國以配諸次其地或多或少徒以相傳爲說其源不可得聞於其分野或有妖祥而爲占者多得其效蓋古之聖哲有以度知非後人所能測也 又漢魏諸儒長次度各用當時歷數與歲差遷徙亦非天象度數之正惟唐一行下觀山河兩戒上考雲漢之終

始十約之內外以定分星之次更以北宿之中分四象  
中位自上元之首以度數紀之而著其分野最得天象  
之正

節田氏說

明路安票應麟星野論曰余初第時見廖洞野學士云天  
文不知是無頭腦學問且取步天歌讀之因考諸家果  
無過於丹元子者覽圖誦歌得心應目每於秋夜登臺  
仰觀內自太微外及列宿經緯周垣若珠聯碁布可數  
而知鄭漁仲謂素秋無月碧天如水一天星斗盡在胸  
中如視爲荒忽而不究心非達天者矣

周商高算經昔者周公問於商高曰竊聞乎夫子善數也

高平縣志

卷之十七

雜志

二

請問古者庖犧立周天歷度夫天不可階而升地不可  
尺寸而度請問數安從出商高曰數之法出於圓方圓  
出於方方出於矩矩出於九九八十一故折矩以爲句  
廣三股脩四徑隅五既方之外半其一矩環而其盤得  
成三四五兩矩其長二十有五是謂積矩故禹之所以  
治天下者此數之所以生也周公曰大哉言數請問用  
矩之道商高曰平矩以正繩偃矩以望高覆矩以測深  
臥矩以知遠環矩以爲圓合矩以爲方方屬地圓屬天  
天圓地方方數爲典以方出圓笠以爲天天青黑地黃  
赤天數之爲笠也青黑爲表丹黃爲裏以象天地之位

是故知地者智知天者聖聖出於甸甸出於矩夫矩之  
以數其裁斷萬物惟所爲耳周公曰善哉注云商蓋在  
今高平商容  
老子之師起太行  
固知商高七姓也

宣公十五年晉滅潞氏狄十六年滅甲氏及吁留  
成公十一年伐廬咎如春秋時高平淪於戎狄爲辰米  
國從潞子杖馬箠盜晉邊晉次第滅之

辰辰放氏後春秋赤翟今辰堰村米米子國赤翟後今米  
山四川文獻

伯封夏天官夔之後羿滅伯封金仁山曰君臣爭諸侯也  
後爲吉甫邑在今高平

### 高平縣志

#### 卷之十七

雜志

三

董封趙董安于死簡子追封在高平非聞喜董澤之陂  
范士句封長平句邑范與和大夫爭田卽此

晉伐原以原公歸高平原村有原公水晉伐荀以賜源氏  
先穀封曰原穀

肥子遷昔陽荀吳假道於虞遂入昔陽昔陽人遷長平  
公羊晉人敗狄於高粱在高平非臨汾高粱故城

逸書趙獻子城泚氏竹書梁惠王九年晉取泚氏有泚谷

水以上俱四川文獻  
所載有以待考

史記周威烈王七年晉烈公元年趙獻子城泚氏顯王十  
七年晉取泚氏溲澤

慎親王六年鄭侯使韓辰歸晉陽及向二月城陽向更名  
陽爲河雍向爲高平

唐太宗時李勣攻蓋牟城拔之得戶二萬糧十萬以其地  
爲蓋州蓋州之名所自始

戰國策白起率數萬之師攻強趙北坑馬服誅屠四十餘  
萬之衆流血成川沸聲若雷使秦成帝業自是之後趙  
楚懾服不敢攻秦者白起之勢也

畢氏按長平先隸魏後隸韓入於趙併於秦秦有長平在  
谷口以旌武功望夷宮在長平卒爲二世絀弑之所以  
一人殉四十五萬之衆天道蓋可畏哉

### 高平縣志

#### 卷之十七

雜志

四

春秋左傳僖公九年齊侯以諸侯之師伐晉及高粱而還  
畢氏曰高平有高粱上梁沁有下梁由下梁戰高粱由  
高粱滅潞距潞百里西師之次也

神農因上黨嘉禾八穗乃作穗書

玉海

神農之興百穀滋阜羊頭黍爲律上黨禾爲書是以丹梁  
似蓋香露成池因有秦龍之圃時丹雀啣九穗禾其墜  
地者帝拾之以植於田食者老而不死赤松子其著也  
稻梁麥菽粒我蒸民遂爲先代飲食之人

四州文獻

倉頡作字四目靈光或以爲黃帝之臣路史以爲史皇神  
農之後今羊頭山神農始種五穀處西建倉頡廟乃知

倉頡君天下者非臣也

北周以羊頭山黍依漢律歷志累黍造尺以定黃鐘

河南程氏曰古法律管當實千二百粒黍羊頭山不相應則將數等驗之看如何大小者方應其數然後爲正胡先生定樂取羊頭山黍用三等篩子篩之取中等者特未定也

羊頭山界高平長子間上有神農廟所謂前簷滴高平後簷滴長子是也

古入制尺以調律累黍以定尺隨代變易訖無定準漢志云律本於黃鐘之長以羊頭山秬黍中者一黍之廣度

高平縣志

卷之十七

雜志

五

之九十黍爲黃鐘之長蓋一黍約一分九十黍九寸律也此必上古以來有所傳授故歷代因之以定律尺之

度

明王處相律尺說

空倉秦以給趙米山趙以給秦夫唱籌量沙敵猶疑之會謂聚米爲山十數里層巒複嶺假以走敵安可欺秦趙之牧豎哉北岳祀恒山以其神爲庚桑注西空倉嶺北廟祀空倉神是乃庚桑之轉音也

省志記云潞澤之交橫亘一山起丹朱嶺至馬鞍壑有古長城一道歲久傾頽遺址尙存登高望之宛然聯終中有營壘土人謂交兵時築

邑有野妨嶺陵川有野妨廟故野妨食萬蟲也唐書五行志開元二十二年八月榆關野妨蟲害稼入平州界有群雀來食之一日而盡二十六年野妨蟲害稼入平州界有食之廣德元年秋野妨蟲害稼關中尤甚斗米千錢長慶四年絳州野妨蟲害稼太和元年秋河東同虢等州野妨蟲害稼五代史梁開平元年八月丁卯同州野妨蟲生宋史太平興國五年秋北海野妨生齊民要術糞泥勝之術曰牽馬令就穀堆食數口以馬踐過爲種無野妨蟲也張有復古編作子方義同嶺名野妨昔應有廟八蜡素饗昆蟲此其遺意歟

高平縣志 卷之十七 雜志

丹水自高平縣來至河內丹谷口有大丹河小丹河從石斗門分流大丹自新鄉入衛小丹至岔河尖入衛長一百九十二里 河防志

丹河南注西下中間分散有十八道小溝渠民用灌溉至劉村入沁水首尾三十里 統程

神芝讚曰魏青龍元年五月庚辰神芝生於長平之昔陽其色紫丹其質光輝高八尺六寸五分散爲三十六莖枝幹連屬有似珊瑚之榮詔御府匱而藏之具畫其形長平箭頭銅爲之知古兵器皆銅東觀餘論銅戈辨中論冷鑑爲兵之法獨詳以銅則燥濕風雨所不能變中雜

以鉛較利於鐵李長吉長平箭頭歌所謂淒淒古血生  
銅花也至後世易以鐵冶銅之法亡矣

府志

長平之坑戈頭箭鏃耕人往往得之戈頭不得見見箭鏃  
數枚形三脊皆銅爲之土花猶漬古血夫兵器皆利用  
鉄此率用銅未識何義及闕黃長睿銅戈辨甚詳云昔  
始皇二十六年收天下兵聚之咸陽銷以爲鐘鑠金人  
十二重各千石又春秋傳僖公十八年鄭伯朝楚楚子  
賜之金既而悔之盟曰毋以鑄兵遂以鑄三鐘夫五金  
皆金也秦人之金人及古鐘皆用銅可知矣是古者以  
銅爲兵誠然又云銅爲物至精不爲燥濕寒暑變其節

高平縣志

卷之十七

雜志

七

不爲風雨暴露改其形確乎有常爲君子之行是以昔  
人尙之由長睿之說其長平箭鏃多銅奚足怪余隨家  
大人官澤高平屬邑也因得見長平箭頭又見東觀餘  
論之說並及之

修亭朱會長  
平箭頭說

按董安于之治晉陽寓矢於廡寓銅於柱被圍之日卒  
得其用銅爲兵器從古然矣

宋治平三年明道程先生來令晉城建鄉校七十二處社  
學數十所行縣時親爲兒童正句讀春風靄然所在向  
化迄今人猶嚮往之於高平之長堰郛庄石村勾要建  
寧前里建寧後里魏庄徘徊趙庄米山吳庄裴泉陳村

李門馬村東宅周纂書安古藥方

自康熙七年  
重修碑記

原村小城等里有文廟二十三處皆無碑碣可稽即得

一二重修碑記皆明季及國朝所立亦不言及創始

年月要皆先生鄉校之遺址多歷年所日就荒圯今訪

之存者無幾餘皆蔓草荒烟地且不可考况屋舍耶恐

此後更多隳廢遂悉記其處以待考古者

冬秀亭  
詩話

遼世宗以自愛黃驢九龍十二疋玉帶報北漢主劉晏聘

後晏敗於高平獨乘黃驢自雕窠嶺問道馳去晏歸爲

黃驢治廐飾以金銀食以三品料號自在將軍

遼史

崇禎四年五月潞安猗民作亂於壺關高平

### 高平縣志

### 卷之十七

雜志

八

一陵川是月二十七日邊盜王嘉印從高平之長平取山

徑至沁水坪上村六年十二月賊西遁聚於高平長子

之間

民壯之設介在軍民間最爲得用在宋謂之白芨子明延

綏盧祥初議本爲寔邊邊兵有三在本鎮爲本兵調自

他鎮爲客兵原點民壯爲土兵土兵寓於農彷彿局官

伍兩族閱軍師之遺意今天下府州縣設民壯護城池

捍牧圉誠加意訓練之俾材藝精壯名與寔符民不擾

而緩急有賴誠要務也

風俗通陳龜遷京兆尹民有病則給醫藥常使戶曹巡行



省志載元賈魯書文廟鼓樓二記魯書取裁于晉而氣骨  
蓄穩絕去近世俳巧之態昔人謂五人以書法有復古之  
功豈不信然惜其碑爲風雨剝蝕日就湮滅好古者不  
能不爲動念

明宏治六年癸丑邑人進士郭芝撰高平毛令忠重修長  
平驛碑記曰驛舍皆元左丞賈魯故第材魯前治河以  
功拜左丞當時爲之語曰賈魯治黃河恩多怨亦多萬  
年千載後恩在怨消磨賈之功亦偉矣賈子亡其名其  
曰賈五舍者太祖皇帝天兵南下集鄉兵拒敵死之家  
屬悉遭俘戮建驛之日撒其故第之材充焉故驛舍之

高平縣志

卷之十七

雜志

九

壯麗者皆賈第材也賈子雖以不服死在于所事則忠  
且義矣而故第驛舍矣人知賈第之侈而不知賈之功  
可以居人知賈第之毀而不知賈子之忠義可以不朽  
晉王殿下亦曰千載應傳賈魯名想當時亦有爲殿下  
言及此者賈之功固難能而其子之忠義亦未易得其  
事皆不傳者以其敗耳嗚呼可以成敗論人物哉茲因  
驛舍之復特表出之以爲來者告 按魯有子積是否  
五舍不可攷州省志皆作賈五會乃魯子明時靖難兵  
南下五會集鄉兵抗拒因致全家俘戮謂其忠于建文  
矣夫魯有大功爲元名臣其子拒明應得盡節于所事

若云踦難兵下而殊屬少據今見高平舊碑幸其跡  
具在而五會者五舍之譌也記云亡其名兵燹之餘自  
應漸滅而殘碑斷碣尙覺昭然故辨正之

府志

邢姬姓周公之亂也爲魯附庸狄入邢齊人救之邢遷夷  
儀三師城邢美桓公之志義也後衛侯燬滅邢春秋以  
滅同姓之親故生而書名其後子孫世以爲國姓陵夷  
至于列國子孫散處莫可究詰今按邑志漢有名晏安  
者不知何許人始爲高平令嗣是而有道業有顯有文  
光皆相繼爲令迨文光歿于官而子孫遂占籍于邑之  
邢村晉有名元卿者以功進爵太尉而邑志中又有曰

高平縣志

卷之十七

雜志

十

安曰文顯曰延之曰元中曰仲慶俱爲太守曰受并州  
司馬曰尹定州刺史俱先後出處莫可考証而衣冠世  
躋屢登樞要殆榮戟之門世德之彥乎入明朝又有曰  
校曰璉曰惠曰國庶俱以鄉舉曰永淳曰天叙曰國熙  
俱以貢升識者謂其世德未艾云

舊志

唐有宗室子寓居于高平自宋有名大節者以長厚聞節  
之子旦始躋顯仕旦生異舉進士異長子林亦舉進士  
次子森年十八澤州發解第一爲萊州文學森長子晏  
以能賦稱金大德二年登第次子晏舉皇統六年進士  
歷翰林學士承旨禮部尙書卒謚文簡晏長子任疇善

騎射次中立昌明二年登第歷鄭平安平秀谷三縣令  
考績爲天下最晏長子仲畧大定十九年登進士第官  
左都曹未幾以父衰病乞歸侍特授澤州刺史以便  
養諧辭有曰父常持節單懷子復分符濩澤一門之寵  
時人榮之而今不可作矣

舊志

郭氏汾陽之後相傳有郭思者自太原徙居高平壽九十  
餘卒塋于邑之李村有群鴉數十來栖冢上識者已知  
其後必昌熾數傳有名欽者生二子長文次質皆有聲  
藝苑質領正統甲子鄉薦文發丁卯解元于是聲華蔚  
起人文輩出矣文之子騫舉成化庚子科質之子定成

高平縣志

卷之十七

雜志

十一

化乙未進士拱宸與定之子坤俱舉弘治己酉科爲叔  
姪共舉增舉弘治辛酉科定之孫鑿嘉靖壬辰進士鄉  
會俱以魁選官工部左侍郎食尙書俸鑿與鑿同登嘉  
靖乙未進士鑿官南京工部右侍郎鑿終河南憲副鑿  
嘉靖辛卯科亦同鑿鄉舉鑿與鑿爲坤出而鑿與鑿又  
城出也質之二房孫長舉嘉靖戊子科欽之姪宗舉景  
泰丙子科宗曾孫東嘉靖丙辰進士官南京太常卿東  
之子嗣煥萬歷壬辰進士終府同知又有曰淳口拱樞  
皆宗人俱以鄉舉一門顯耀有如祖孫媿矣叔姪同登  
兄弟聯科吁已異矣且一時而伯仲俱官工曹紆青拖

業爭相輝映海宇爲之推讓焉至于紫誥錫封膠庠里  
選更僕未易數也謂曰世家信不誣矣

舊志

金皇統中高平舉子六七輩赴都試憇于韓店一道士徧  
視諸生得李晏執其手曰公富貴壽考他年當建節于  
此值水敗道賴公治之語畢不見其年登第歷官至中  
丞歸老起爲昭義節度使水果敗道父老請修治晏歡  
然從之卽今石牀也

通志

明王尙書國光精誠鑒一日在高平劉令一柙座劉出其  
子鴻訓及同學生二孫一張并館師王五人文質之家  
宰覽竟驚曰皆公輔才安得萃處一室王文雖工惜福

### 高平縣志

### 卷之十七

雜志

十三

差不及諸子後孫公居相官司農鼎相官中丞張公慎  
言官太宰鴻訓官東閣大學士館師王家礎壬辰登進  
士選涇陽知縣未任而卒皆如其言

郭東因諸生時肄業文廟之東廡夜寢陰風忽起數十人  
操挺刃剔其骨自頂至踵昏曠移時乃蘇初驚爲賊旋  
疑是夢起見滿地皆牛骨人咸異之以爲貴徵云

邑中有鳥曰老鶴每賓興之歲來栖于庠之殿舍其數幾  
何士之登科者亦如之鄉人每占爲預報嘉靖丁酉有  
五鶴集于庠頃更一鶴飛于西南是科中式者本庠四  
名而澤州閻承光寔原籍高平也鳥之徵異如此

常存仁家城隍廟西就中肄業每夜讀時向神前分燈久之往持道人向常叩禮願爲執役夜供油燭常怪其尊禮忽如此中必有故道人謂曰他日位列台鼎慎勿相忘昨夢城隍神謂曰常之位尊於我屢來分燈使我僕僕迴避于心不安不如就汝舍中取給爲便常聞言開頤曰果如是夢焉敢相忘後果聯捷歷官兵憲

宏治間高平縣廳事後掘得碑有草書絕句額傍並無題識載酒欲尋江上月出門無路水交流黃昏悶倚東風立看去東風獨地愁

列朝詩選

平陽許冲亮與甘肅生冲明友善崇禎間相約汗漫遊至

高平縣志

卷之十七

雜志

十三

高平遇牛公子某留憩南關道院牛倏遘家變以千金付許曰事急矣東西南北不可必脫有遇需此金以濟而生不知也居十年所不相聞至國朝牛更名青入監用教習考知縣許方知某尙在告生曰吾守此地負遊約者徒以公子金耳今公子在都門需此必急于是賁金偕往見公子抱許痛哭旣而曰某不肖家私灰燼意中久無此金願奉爲買山資許大恚云亮若利此安待今日幸勿汙我牛改容謝許遂去陟嵩岳不知所終或曰許邂逅宋中一巨公懷運歿生亦不食死

元薛公世南爲山西僉憲時言一皮匠忽畫見二急脚召

渠云是冥府命其人令家人作僕供二冥使家人無所見也且語家人曰我生平寡愆雖死必復生慎勿葬我是日果死後三日復蘇云至一官府設王者儀衛一人冕服坐殿廷問曰汝知過否皮匠曰某有生以來未嘗造惡王者命以物如青泥之狀塗其頂久之心肯醒然累世之事皆能記憶王者曰白起坑長平四十萬卒汝不預乎其人乃王統九世身對曰起坑卒時某阻之不聽非某罪也上帝以某有陰德賜某八世爲將今九世矣俄而起械而至羸瘠一鬼囚也與之對得其清起復押入冥獄夜叉仍送還自後棄所業乘馬出入士夫

高平縣志

卷之十七

雜志

古

家能談其前世事余聞諸王少師文王聞諸薛公云

錄

雲

崇禎戊寅王漢令高平一村翁有女爲鬼所据具狀控縣王卽差隸往攝曰必有以報否則責汝隸不得已持符市香楮于其村社廟焚而禱之良久空中有聲曰若爲我來乎若行吾且隨若隸喜過望在路叩問輒隨應但不見其形狀因遂與俱詣縣繳票王曰被犯安在隸曰偕至矣遂漫呼空中又輒應于是王爲真對責以無禮鬼曰某納聘三十金非敢亂也翁曰無之鬼爭曰見藏其家某所地下遺隸還取掘土尺許果得金如數王知

其狡歸怒責之論令收過鬼諾諾而去自是遂不復至

續圖  
雜志

萬曆己丑懷慶民秦萬言與父遺妾角口因而致死萬言  
惶懼以白金十兩托韓陽夢轉免掌刑豪書于自知求  
活于素與萬言不睦雖得金竟以抵案坐萬言罪萬言  
遂憤恨而死于亦未幾云亡又數年韓以贓私逃脫至  
高平變姓名爲田某往來邑之平頭丹水姬萬等村日  
以誦蒙爲業人不知其爲韓也至丁未夏四月間無故  
語諸童子曰余韓姓陽夢其名也二十年前于自知事  
發了秦萬言在陰曹告我頭名犯人乃謂妻家中做飯

高平縣志

卷之十七

雜志

五

與衆公差用我寫訴狀一紙候審妻與衆各驚訝至初  
八日又曰老爺勾追至矣若與于相辨而對泣者忽倒  
地不語移時在地爲受刑杖呻吟之聲衆不忍聞因焚  
訴狀跪地求免頃臯忽起曰老爺審理與我無于自知  
抵罪萬言解放矣韓兩股青腫兩三月臥床未愈鄉人  
方互傳以爲驚異邑之城隍廟丙夜時有士人忽聽廟  
庭以有數人對理言似與脗合問之卽四月八日也舊志  
嘉靖間野川民李官素無善行考終鄉人咸以爲漏網方  
停屍二日其子夜間呼號聲意其父回生也招與審視  
之其父變爲一牛頭與手足皆牛獨腰腹尙爲人形急

益棺於之棺中地尋尚數日

舊志

劉國川者鄉之惡人也萬歷壬寅六月六日與子往耕于田時霽日甚烈忽片雲起西北其子謂將有雨勸父歸國川行轉堦下少憇聞石中啾唧意其爲竇也揮鋤劔之忽霹靂一聲火龍自土中起提國川於空子哀鳴求免乃墜於二里外頭以下皆焦爛惟兩腿少存耳

袁主簿宏曹州人嘉靖間署縣印殘虐百姓民以無辜死者數十未幾以貪論黜其鄉人有吳老者夜夢青衣數十向宏家索命吳老夢中勸回青衣者曰伊子後爲山西巡按可雪吾恨至萬歷丁酉吳老之子吳公楷果巡

高平縣志

卷之十七

雜志

十六

鹽山西下檄本縣厲壇致祭其文曰昔我曹人名袁宏者作爾縣主簿以貪酷敗官子孫式微萬歷七年七月十一日余先人諱中立夜感異夢見爾縣青衣數人遶袁氏之宅索命索債用言勸回既寤乃命余曰若宦遊山西無忘祭此厲鬼茲夢寐幻景疇敢爲真第福善禍淫天道不爽袁氏剝民肥家旋亦絕嗣承繼孫今已爲人傭矣爾縣之民或被其漁獵或斃于敲朴賈恨以沒遂爲厲鬼今觀袁氏之無後亦可釋恨於九泉余奉上命督鹽此方有仲寬理枉之任特以羊一豕一楮幣椒漿祭爾有衆爾其鑒歎

舊志



崇禎十三年有遊僧入南關集市敲木魚募化石牌樓下  
民間有養雄鷄者突飛僧頂亂啄流血驅之不去每  
過卽如此至四五次市人咸駭爲異遂自之官一加拷  
訊盡吐其所作奸狀會劫殺鷄至于鄉下啟屍不獲獄  
未成而僧已斃人以爲冤報云

舊志

邑俗男女競雜喜於媚神正月元宵日在金峰山炙石佛  
爲遊百病三月十八日集會縣西五里濟瀆池四月十  
五日會縣東二里真澤祠女人多乞嗣五月初五日會  
米山孫真人廟至于城中鄉社廟宇歲各迎神賽社三  
日其俗不遵典禮喜伶人做雜劇喧鼓樂以供祀神

舊志

### 高平縣志

#### 卷之十七

雜志

十七

接迎神賽社男女雜沓西北數省相習成風非止一邑愚  
民鼓惑誠可駭怪要在隨時隨地體察約束不至別生  
事端斯亦已耳琳宮梵宇不能盡毀土俗民情卒難變  
革時會然也高邑風俗號稱儉朴然民間陋習寔有數  
端殊乖禮義前人言之詳矣略節錄之

梅公建祈神仍從舊俗拜水務使便民示略云水旱在天  
祈禱惟誠時值亢暘望雨之心官切于民獨旱水之說  
不可不禁俗傳有旱水卽于其地報一人作主神官祀  
神之具取給焉神案前置一瓶令童男跪拜始二十四  
拜日三次次日漸加三日拜無寧刻拜久瓶底生水名

曰鑿水旁設一探水官以一滴爲貴多則謂之凶水復拜而去卽天雨而坑底無水亦必令拜其拜水者曰水官其說如此主神官耗財拜水官勞力不至破家成疾不休誰其樂受故名曰捉謂鄉地舉報到官差票強拿也此不誠不公永宜禁止顧遇旱年衆口噉噉謂一捉旱水便可得雨耗財勞力者僅十人降雨則活數十萬人之命卽如此言本縣亦姑從爾俗今于拜水處各揭銀四兩令辦一切祀神之具可免報主神官矣拜水之官隨百里內自願者報名一日一輪毋令力疲心憊云云梅公此示委曲變通順民易俗誠亦善矣顧水旱祈禱從古不廢自禮經所載春秋繁露所書其法具存心苟不誠詎能感格捉拜旱水事甚不經耗財傷人胡可爲訓願亟革之

高平縣志

卷之十七

雜志

十六

又梅公勒限速葬示略云自古喪葬俱有定期查集禮職一官庶民皆以三月而葬又律載凡有喪之家必須依禮安葬若惑於風水及托故停柩在家經年暴露不葬者杖八十注葬者藏也不藏卽謂之暴露一著于禮一定爲律誠重其事也查高邑積習率多停柩不葬或浮攢淺土詢厥由來素封之家多惑於風水年命之說單寒小戶或爲木族外家索孝帛之類所延獨不思生死既

判入鬼殊途地理福應原歸渺茫儀具繁多總爲虛器  
合行查催速葬並禁裁紙與佛事再三甲告其言可謂  
愷悌詳明矣袁世燾續司馬淵公葬論略云高平之俗  
類多停柩不葬又有淺葬之說詢其由來大抵惑於地  
理者什五六貧無力而蹉跎者亦什三四高平習尙好  
奢自明器下帳輿馬幃翼齋送之具以及僧道齋壇鼓  
次作樂賓朋弔唁飲食供給之費稍不曠衆共訾焉於  
是中人之家以葬爲艱輒假淺葬弛其事待之異日蓋  
風俗之成久矣獨不思待之異日異日財力之贍與否  
不可必也而父母之骸骨與其棺之日卽於朽可必也

仁人孝子必不以天下儉其親然卽儉而葬以視糞而  
不葬者孰得而孰失耶况無益之費量爲樽節非必盡  
屬惜財禮曰與其哀不足而禮有餘也毋寧禮不足而  
哀有餘也則明器下帳輿馬幃翼齋送之具可節福田  
因果事屬荒渺智者弗道而鼓樂或近於樂則僧道齋  
壇鼓吹作樂可節古之弔者哀孝子之哀毀而病也莫  
不爲之致力焉自禮意不明而後喪主之待賓也如常  
賓喪賓之待主也如常主先儒深著其失則賓朋弔唁  
飲食供給之費可節推之一切豐儉稱其家務使遺骸  
得所歸以爲安諒非仁人孝子所愉快者哉余惟移風

易俗君相之事而尤重賴于鄉之賢士大夫蓋言教不若身教也司馬溫公鄉先生之卓卓可師者其所爲莖論一篇愷切真摯足以發人深省故稍節而錄之且補其所未暢以爲來者勸惟一二通達大體之士躬爲樽節以矯好奢之習而力爭淺葬之非則惑於地理亦漸當悟而思返不過十年其風必能變革無彙而不莖之譏生者死者兩無所憾矣夫喪具稱家之有無死者以入土爲安觀梅公之示及袁君之論有識者其亦可以省矣

袁世燾清浦舉人署任陳初立崇正書院延請掌教徽美焉楊承志俱出其門

又聞邑有取鬼妻之事人而既死骨肉歸土魂氣則散復

高平縣志

卷之十七

雜志

二十

何所知移兩家之骸埋於一處死者強締爲夫婦生者謬聯爲姻親悖理傷義無謂之甚是亦高明之士所宜急爲勸止也再夫婦人倫之首不幸中年喪偶中饋無人不得不鸞膠再續要亦喪葬有期骨肉既寒議之未晚俗於此事每有迫不及待者結髮之恩胡乃倏忘抑亦不情之甚矣至愚民惡習向有指產婦爲旱魃之事自奉例禁近亦漸除若此數端嚴飭類於擾民從便實傷禮教法語異言是在士君子反覆開陳潛移默革耳

五屬皆山高土瘠耕者以積糞爲壅灌計否則儉收矣孟子所謂百畝之業蓋統上下農夫而均利之每見

居民文契皆載糞池幾區坑屋幾所入秀中一有不均  
攘臂結訟其俗習如此高平生員那軾家因淘糞坑吳  
起鳳等連斃三命高平諸令因洗冤錄不載糞毒一條  
疑案株連竟以歐斃通報嗣委鳳臺羅令檢驗三屍並  
無傷痕惟牙根骨青黑色件作僉供坑積冬糞至春夏  
秋三季毒氣鬱蒸墮坑被觸最易斃命蓋糞水臭氣極  
猛入口卽死不在糞之深淺凡中此毒者皆牙根青黑  
色上下唇吻發青不比中他毒死皮肉起炮骨殖青黑  
也聞諸土人解毒法先用柏香焚燒并投柏木片入坑  
可辟臭毒又高平魏庄有豫民張敏等販猪爲業因小

高平縣志

卷之十七

雜志

三

猪誤落糞坑二客下坑撈救皆中糞毒殞命驗其牙根  
骨青黑色上下唇吻發青與吳起鳳等同是糞毒殺人  
較他毒尤甚二案可爲明驗矣恐後人有疑留此備考  
並宜添入省冤錄以清冤獄也

府志

高平呂老造墨常山遇異人傳燒金訣煨出視之瓦礫也  
有教之爲硯者硯成堅潤宜墨光溢如漆每硯首必有  
一白書呂字呂老既死法不授子而湯陰人盜其名而  
爲之甚衆持至京師每硯不滿百錢之值至呂老所遺  
好奇之士有以十萬錢購一硯不可得者硯出於陶而  
以金鐵物劃之不入爲真余兄子碩所獲而作玉壺樣

者尤爲奇物余嘗爲之銘曰真仙戲幻其璞顧被仇覽  
爲有慙德範而爲硯以極其妙則金瓦幾於同價

何意  
春清

澤州李俊民用章舉承安五年進士第一金亡後其同年

三十三人惟高平趙楠僅存又華家之燕京俊民感舊

遊以詩題登科記後云試將小錄問同年風采依稀墮

目前三十一人今鬼錄與君雖在各華顛又云君還攜

幼去留燕我向荒山學種田千里暮鴻行斷處碧雲容

易作愁天

滌水亭  
雜識

唐安村南山元都院有一泉每旱鄉人禱雨輒應又村北

高平縣志

卷之十七

雜志

三

開帝廟雙松鐵幹虬枝離奇天矯應是秦漢時樹以地  
僻鮮賞識者

愚公上心王狀奏六賊表臣聞三乘路遠法界無涯四海

晏清十方安泰忽見魔軍競起侵擾心田六賊既強心

王驚動朝生百怪暮長千邪幻惑真如囚牢法體菩提

道路隔絕不通破壞涅槃傷殘三寶無爲珠玉悉被偷

將大藏法財皆遭劫奪塵勞翳日慾火亘天燒蕩國城

焚漂聖境臣乃見斯紊亂恐正法以難存遂與六波羅

密商量同爲剪滅遣自性爲密使探候魔軍見在五蘊

山內潛伏約有八萬四千餘衆已知姓字號計剎那臣

迷檢點十八界之雄兵兼立禪空爲號令人人有無垓  
之方各各懷勇健之心掛壁四燈執三昧鉢智箭禪弓  
光明慧劍先鋒有見性之能力士有奪關之德向大乘  
門中訓練寂滅田內調伏選三明嶺上屯師八正略頭  
布陣舉大覺性爲都總管遊奕四方統領法界生擒毒  
想之徒活捉無名之輩請慈悲王破三毒之寨差忍辱  
將破慳慳之城精進太保除傲慢之妖喜舍郎君滅慳  
貪之賊臣又向平等川中下寨把斷十惡之門般若谷  
內行兵毀盡八邪之路逡巡魔軍大舉殺氣衝天臣乃  
號令摩訶般若同時入陣各運神通遞相着力當此之

高平縣志

卷之十七

雜志

三

際眼不覩色耳不聽聲鼻不嗅香舌不了味身不覺觸  
意不攀緣勇猛向前念念不退兩陣交鋒魔軍大敗六  
賊全輸勦戮無邊掃除蕩盡收下妄想捉獲無明領就  
涅槃場內以慧劍斬爲三段煩惱林當時催折人我山  
碎作微塵愛網用智火焚燒欲海俾自然枯竭致使三  
明再朗四智重圓心王坐歡喜之殿真如登解脫之樓  
自性處無碍之堂三身居不搖之地從茲法界寧靜永  
絕喧囂渡生死之愛河達菩提之彼岸魔軍已滅謹錄  
奏聞謹奏表

高平前輩著作見於通志府志經籍錄及他文所載

正亦不乏加意訪求奈見者寥寥其名目以不可沒也附識於此

晉王叔和金匱玉函八卷脈經十卷脈訣四卷脈賦三卷  
孩子脈論一卷脈訣機要三卷張仲景藥方十五卷  
傷寒卒病論十卷金匱要畧方三卷

唐釋大愚韻母

宋李異切韻門庭

金晁會泝水集秦志林泉集二十卷

申萬全 盧洵 陳載俱有集見通志

李曼遊仙野人集禁庭制作集

高平縣志

卷之十七

雜志

三

趙可玉峯散人集

李仲畧丹源鈞徒集

元張起岩韓維學泝水倡和集

明畢璽石屏文集石屏詩集家乘錄

劉虞夔日錄間見十卷  
鼓語二十卷  
中和堂稿宮詹文集

郭登一泉稿

郭鑿翰林詩稿國學文集居家文字

郭東類博錄

郭嗣煥長春集文集



魏華振姬尚書注四州文獻三川別誌西北文集西河  
遺教

李棠馥息園詩集

張沂壺陽集一掬冰四集

湛子明經國大業集丹頭地集省身錄讀書聲

陳魁嬾逸集

趙介槐園初筆

李京字學正本

牛兆捷博韓集陶史草十卷

牛兆鼎左傳十國紀事本末序論南園詩草評陽莊子

高平縣志

卷之十七

雜志

三五

文選李義山詩

張聯輝愛吾廬稿

姬鼎燕苦吟集

李培蔭菊圃詩草學園摹古文集

畢濂知非集宦遊集

郝瑾通鑑編年錄龍右詩句鷄肋集

石中玉句典摘萃傷寒尊是血症瑣言本草談真雜症

瑣言

按信則徵信疑以傳疑史法也雜志所載事近支離  
而事實良有足徵本書微相附麗爰叢列焉傳信傳

疑固亦古人例也

高平縣志

卷之十七

雜志

兵